

J. V. J.
 AUCTORITATE
 GRATIOSISSIMI
 SENATUS ASCLEPIADEI
 IN UNIVERSITATE ALTDORFINA
 INFANTEM EPI-
 LEPTICUM

cognoscendum curandumq;

Pro

LICENTIA DOCTORALI

*Publico φιλιάντων examini
 exponit*

JOHANN-VICTOR Sägerschmidt/

Giengâ-Suevus.

Ad d. 23. Junii, A.O.R. 1684.

Literis HENRICI MEYERI, Univ. Typogr.

l. ens

J. V. L.

GRAND

UNIVERSITY

IN THE

LIBRARY

OF THE

UNIVERSITY

OF CALIFORNIA

LIBRARY

OF THE

UNIVERSITY

OF CALIFORNIA


LIBRARY

OF THE

UNIVERSITY

I. N. J.

Prooemium.

 *Toicorum antesignanum Zenonem, uti nec animi diversa ob incommoda saepenumero humanum genus infestantia, ita nec ob corporis dolores tristari, vel iisdem moveri hominem decere, voluisse, verum discipulis suis puram pictam in pariete esse nebulam dolorem, persuasisse; quin etiam atrocissimis vexatum doloribus tanquam ἀπαθῆν, O dolor, dolor, nihil magis! exclamasse, è litterarum monumentis constat; Ast apage cum tali Philosophia Sacra Scriptura naturæq; legibus repugnante! Quis adeo immanis, ut si cum Plinio, quod à suppliciiis vitam auspicetur homo, unam tantum ob culpam, quia natus est, in memoriam revocet, non miseratio subeat, quod certè nostra vita aliud nihil, nisi morbus sit perpetuus, ideoq; rectè cum sapiente Solone asserendum: Homo est putredo in exortu, bulla in omni vita, esca vermium in morte? quis non misericordiâ afficeretur*

tur, si Infantes in dias modo luminis auras na-
tos, & fletibus quasi nos ad auxilium imploran-
tes, à variis morborum generibus jam affici u-
det? nonne statim à primo vitæ nostræ limine
myrias nos comitatur morborum, quos si omnes
delineare vellemus, opus immensi laboris aggre-
deremur; sufficiat saltem unicum affectu atro-
cissimo, Epilepsiâ scilicet, laborantem Infanten
ante oculos ponere, nemo cui sana adhuc mens
totam nostram vitam morbum esse ibit inficia.
In hujus affectûs ventilatione ergò Indultu gra-
tiosissima Facultatis Medicæ loco Inaugurali
Disquisitionis, ansa arreptâ ex Spectatissim
DN. DECANI &c. Collegio Practico, exercebi-
mus intellectum nostrum; cum verò ille ad na-
turâ etiam perspicua maxime, ut oculi vesper-
tilionum versus meridianam lucem se habeat
à Supremo cœlestis luminis fonte, Divino Numi-
ne, exoramus radios: Adsis nobis lumine verita-
tis tuæ mirabilia hujus Epilepsie in futuram &
infantum puerorumq; salutem indagaturis, ad-
sis flamine Gratia tua!

CASUS.

Puerulus quidam, qui unius fere anni spatium emensus, honestis, vegetis, tam publico, quam privato sedulo fungentibus officio parentibus oriundus, nondum ablactatus, omnis generis alios cibos, simul cum lacte matris (quæ acidorum & frigidorum esu delectabatur) capiens, in prandio satis repletus, alvum insolito more habens sicciorem, horis pomeridianis in lectum somnum capeffendi gratia repositus, placide quidem requievit, mox autem in somno corpusculum cum anxietate circa præcordia hinc inde movere cœpit, donec ex improvviso oculi aperti, labia, mandibulæ, reciproco motu per horæ penè quadrantis spatium convellerentur, à quo paullulum quidem symptomatum cessavit vehementia, mox autem rediit, unde Parentes, spectaculo hoc commoti, sollicitè Medici expolcunt consilium.

RESOLUTIO.

Quod Affectus, quo noster Æger tenellus laborat, sit *Morbi Epilepsia*, à Græco verbo *ἐπιλαμβάνειν*, quod subdito mentem sensusq; omnes quasi prehendat, originem trahens, ex symptomatum concurrentium colluvie facile perspicere licet; I. enim *Actiones lesas* & quidem *depravatas*

Vatas testantur illi motus clonici oculorum, labiorum, & mandibularum ob æuum animalium impetuosum & inordinatum ad musculos motum, & nihilominus tamen eorum vigorem sensorium fixatum & inhibatum.

II. *Anxietas* verò *circa præcordia* ob sanguinis vaporosi impeditiorem per pulmones & cor motum oriri videtur.

III. Inter *Excretalæsa* *Alvi siccitas* ob acidæ particulas, si-
ve succi pancreatici, siue etiam bilis ex assumtis eò colle-
ctas excrementitias intestinorum motum peristalticum
cohibentes urget.

Definitio. Est verò *Epilepsia varia & mixta actionum, præsertim animalium, læsio, cum aliorum symptomatum sæpe concursu, imprimis motus localis depravatus, vel totius corporis, vel certorum saltem ejus membrorum, cum sensuum hæbetudine ab aura vitiosa acidâ & us animales & lympham potissimum diversimode inquinante, dependens.*

Notæ Generaliores. §. I. Affectus hic multifariis alias insignitur nominibus ac titulis ab ejus vehementia desumptis, dum vocatur Morbus sacer, Herculeus, Caducus, Comitialis, Sonticus, Lunaticus, Morbus major, qui sputatur *Plauto Captiv. act. 3. sc. 4.* Infantilis siue Puerilis, Germanis *die schwere Noth / Freiß*; in specie *Kinder Freiß / fallende Sucht* &c. Quoad genus differt Epilepsia à vera convulsione, vel Spasmo, quod in universali totum corpus riget, vel in quibusdam locis saltem os occluditur, statim paucis diebus à nativitate cum eventu lethali, & vulgo *die Klamme / oder Klamme-Freiß* dicitur. In diversis subjectis alia etiam dantur symptomata, v. g. dum ægri subito in terram cum impetu prosteruntur, non aliter, uti loquitur *Willis Pathol. cerebri c. 3.* quam si domus à pulvere pyrio explosa subverteretur, quæ ut plurimum extra locum in quo steterat, dimovetur, ob fibrarum vehementissimam irritationem. Spuma sæpe ex ore propul-
lulat ob fermentationem lymphæ & liquoris salivalis occasione sanguinis etiam in pulmone & corde impediti & turgentis exci-
tatam. In ipsis insultibus etiam accidit, ut nihil possint deglu-
tire, ast singularem & domesticam observationem *Sylvius* ad-
notavit *l. 4. Prax. Med. tr. 1. c. 6. §. 5.* in propria filiola, quæ octo
men-

menes nata postremo vitæ die propter difficilius erumpentes dentes insultibus epilepticis afflicta, durante per horas aliquot paroxysmo Epileptico, quævis oblata commode sumfit, cessante vero paroxysmo nihil amplius per horas plures admisit, sed tandem placide exspiravit. Symptomatum quidem in qualitatibus mutatis nulla facta est mentio in historia, sed absque dubio Pallor faciei quoque adfuit, ceu cruditatis signum, cum febris abfuerit, alias etiam faciem intensius rubere, si febre ardente infantes corripuntur; si autem malignitas adfuerit coagulativa, rubedinem in violaceum mutari colorem experientia testatur.

Subjectum in nostro ægro potissimum patiens, sive *Subjecti declaratio.* pars recipiens, sunt *Organa sensuum*, qua externorum, qua internorum, quorum agendi facultates & functiones in ipso paroxysmo abolentur, aut nimium imminuuntur; nec non *Musculosæ partes* earumq; *fibræ*, præsertim oculorum, labiorum, & mandibularum, quamvis sine dubio musculi quoque thoracis & intercostales ipsumq; Diaphragma, ceu primarium respirationis instrumentum, compatiuntur. Pars vero mandans non tam Cerebrum, Cerebellum, & Principium nervorum, quam consensualis, *Ventriculus* corrupto acescente chyloso liquore effluvia vitiosa acida exspirante refertus, & nervoso generi communicans hic potissimum attendi debet, Intestinis non exclusis, præsertim tenuioribus.

§. II. Differentia enim datur inter Epilepsiam *per essentiam*, *Nota General.* cujus causa interna & proxima in ipso cerebro & cerebello secundum suam & originem obtinet; & *per consensum*, quæ causam recipit aliunde è ventriculo, liene, utero & similibus. *vid. Willis. d. l. c. 3. aliq.* Nostri instituti non concedit ratio, nec penuria librorum, ea prolixius declarare. In nostro verò ægro puerulo *consensualem* esse affectum, extra dubitationis aleam positum est.

Causa proxima irritans est Halitus quidem mixtus ex *Causarum* acido ☉oso & ☉laceo, aut Onoso styptico cum *anibus explicatio.*

animalibus five ad principium nervorum commune delatus, & sensuum vigorem obtundens, five in fibras motrices partium affectarum sese insinuans, ibidemq; notatam irritationem convulsivam instituens. *Antecedens* hic gemina concurrere videtur, partim fermenti in ventriculo dispositio vitiosa & acida assumpta alimenta facile corrumpens; partim etiam sanguinis crudis chylofis portionibus multum referti ad fermentationem inordinatam proni mala constitutio. *Procatartice* in historia recensita duplices occurrunt, quarum quædam ad infantem, quædam ad matrem spectant. *Illæ* sunt vitiosa alimentorum variorum ætati tenellæ inconvenientium assumptio, & per copiam majorem ventriculi aggravatio, ut rite chylicare nequiverit: Hæc est lactis materni vitium, quod acidorum alimentorum & frigidorum frequenti usu contractum est: Qualis enim cibus & potus, talis etiam habetur chylus, lac & sanguis.

Note General.

§. III. Nonnulli cum *Willisio* causam proximam per auram explicant, & quidem *Dosam* explosivam, qualis excitatur à pulvere pyrio accenso: de cujus tamen universali veritate merito dubitavit *supralaudatus* Dn. DECANUS, *Mecænas ac Promotor noster ad cineres devenerandus in Collegio Practico*, ob duas præsertim rationes, (1.) quod febres supervenientes epilepsiam plerumque solvant, causam hujus rarefaciendo & dissolvendo. (2.) propter curationem sæpe per volatilia, spirituosâ, rarefacientia instituendam; Alii spiritum sylvestrem appellant. Ex *Helmontii* hypothesebus *Gas* nomine venire posset, non quidem vitalis, quod lumen est atque balsamus à corruptione præservans, solari lumini adæquatum, sed sylvestris, qui in se est spiritus concretus & corporis more coagulatus, sed accedente fermento excitatur, quemadmodum utriusq; *Gas* naturam prolixius descripsit *tract. Complex. atque Mist. Elem. figm. n. 14. 21. 42.* Causas antecedentes internas in aliis subjectis occurrentes per essentiam & per consensum ob temporis penuriam non licet hoc loco exponere. Ad Procatarticas alias quoque pertinent *Dentitio*, quæ fortassis etiam in nostro infante concurrere potuit, suadente hoc ipsa ætate

etate dentitioni favente; licet in historia mentio non fiat, contagium quoq; salivæ per pocula communia communicatum inter causas Epilepsiæ procatacticas scil. retulit *Nobiliss. Excell. & Experientiss. DN. MAURICIUS HOFFMANNUS Sereniss. Electoris & Marchionum Brandenburg. ut & Reipubl. Norimb. Archiater & in Facult. Med. Prof. Primarius, celeberrimus Dn. Patro-* *us atq; Promotor æternum devenerandus Sciag. Morb. contag. Diss.* 3. & confirmatur historia observata à *D. D. Vito Riedlino obs. 33.* inter causas procatacticas haud infrequentes etiam esse solent vermes sive Lumbrici quæ Ascarides, quæ Teretes oblongi, quibus pueri obnoxii esse solent sæpissime, quoniam generantur ex crudis portionibus ab infantis cibis copiosis atque corruptis, imprimis carniū & victuum horariorum ingurgitatione qui postea mordentes fibrosas intestinorum partes interiores, in motus convulsivos irritari & per consensum & interventum halituum acidorum acrium ipsum principium nervorum afficere possunt, teste *Sylvio d. l. c. 10.* De causis fortuitis & contingentibus, quales sunt terror ex tonitru, mora longa in balneo, Epilepticus alius repente in terram prostratus videatur *Sennertus Med. Prax. L. 1. part. 2. c. 21.* Alias & variolæ, morbilli, & febres malignæ acutæ ansam quoque ad generationem hujus affectus præbere solent, ob sanguinis crudis acidis chylosis aut maligne coagulativis portionibus ac seri effervescentiam halitus vitiosos similes nervolo quoq; generi impertientem. Verum de his satis.

Ratione eventus hic affectus minime lethalis in hoc *Eventus* *Predictio* subiecto, sed salutaris erit. 1. Quia non Essentialis, sed per consensum. 2. Quia non connatus vel hereditarius, ut ex historia liquet, sed ab errore externo proveniens. 3. Quia recens nec inveteratus. 4. Quia paroxysmi breviores; Longiores enim majorem causæ peccantis copiam ac vehementiam arguunt, hinc & lethalem eventum afferre, licet à pleniori etiam victu fuerit malum, testatur *Casus VIII. l. 5. apud Timæum de Guldenkleee.* 5. Quia acidum peccans volatile explosivum cum acrimonia conjunctum. 6. Quia epilepsia ante pubertatem curabilis, Comitiales morbi aut convulsiones epilepticæ, quibus

bus ante pubertatem eveniunt, curationem recipiunt; at quibus eæ veniunt vigesimo quinto ætatis anno maximam partem commoriuntur; cuius rationem petere licet ex 2. *aph.* 45. quam accurate deduxit & universalitatem aphorismi simul limitavit *Nobiliss. Excellentiss. & Experientiss. DN. D. JOH. MAURICIUS HOFFMANNUS, Prof. Publ. hujus Lycei celeberrimus, Præceptor, & Fautor noster summè observandus in Disputatione suâ Inaugurali de Paroxysmis frequentior. & vehement. th. 42.*

Not. General.

§. IV. In aliis quandoq; casibus eventus etiam lethalis præfagiendus v. g. si post febres malignas succedit ob coagulationem & putredinem sanguinis acidioris serosi. Ita etiam ob eandem rationem si variolis & morbillis supervenit, non tam morbi quam errorum in rebus non naturalibus commissorum culpa mortem infert. Rursus in aliis subjectis licet non mortem acceleret, malum tamen inveterascit, & per periodos five certas, five plerumq; incertas suos habet insultus, atque ad vitæ finem usque comitatur, v. g. quando caussa vel hereditaria fuerit, vel mox à nativitate propter labem ab utero contractam, uti loquitur *Willis*, infestare solet, aut quando tenelli adhuc terroribus gravioribus percelluntur, à quo periculo neque adultiores plane immunes esse, exemplum quoq; puellæ cujusdam hoc in oppido Epilepsiâ curationem nullam admittente, sed per intervalla adhuc redeunte, afflictæ relatum nobis fuit.

Curandi ratio.

Quid vero nunc consilii? anxie quærunt exposcentes auxilium omnis moræ expers mœsti atq; animo consternati Parentes, filioli vibrari membra videntes. Desiderio igitur illorum ut pro virili satis faciamus, solutio partim methodo extraordinaria, partim ordinaria procuranda. Cum enim paroxysmi Epileptici rationem habeant symptomatum urgentium, quæ flammæ vitali interitum minantur, scil. ob causæ proximæ internæ vehementiorem motum (uti *Spælatiss. DN. DECANUS* prolixius hæc demonstravit in *Dogmatib. Med. Gen. Part. IV. c. 4. dogm. 9. in notis*) curationem quoq; & hi non

non ad se trahunt sed rapiunt. Quamvis vero in ægro hoc puerulo paroxysmi hætenus sint breviores, omniamen studio cavendum, ne sæpius redeant, & infestent remedia exhibendo talia, quæ spiritus animales inimicos dissipent, vel eos exilire & efferari aptos reprimant (ut liceat nobis, mentem nostram exprimere verbis *supra laudati* D N. D. HOFFMANNI *Jun. in Disput. dict. th. 62.*) quod fit, quando acidum illud volatile & explosivum cohibetur præcipitantibus & imbibentibus, ne principium spinalis medullæ irritare, cerebriq; concussionem inducere valeant. Applicentur igitur extemplo frictiones artuum paullo asperiores & ligaturæ, sique in promptu sit Emplastrum vesicatorium, vel saltem rubificans ad umbilicum & nucham, vel sacculus ex rad. pœon. recenti cum ① sem. sinapi paratus, imponatur. Inungantur nares balsamo rutæ vel succini, si manuum digiti contracti fuerint, leniter in rectum ocyus extendantur. Lignum Aloës vel pennæ Perdicum & similia accendantur.

§. V. In aliis casibus, ubi aciditas convulsiva magis prædominaverit, in paroxysmo etiam fortioribus opus est remediis, inprimis os apertum servandum, interposito aliquo corpore non duro, aut frangibili, sed tenaci, sive sacculus è tela linea crassiori antepilepticis refertus fuerit, sive è corio, ne linguam morsulædere possit. Umbilicalia Topica extrahentia minime negligantur, quæ ex propria experientia laudavit nunquam satis laudandus *Excellentissimus* D N. D. HOFFMANNUS *Senior Prud. Med. Diss. XIII. Coroll.*

Extra paroxysmum Curatio extraordinaria partim, *Curatio- nis conti- nuatio.* prosequenda, partim ordinaria secundum tres indicationes adjuncta. Cum igitur malum in nostro puerulo à nimia repletione provenisse cognoverimus, operæ pretium esse censemus, remittente paroxysmo, mox offerre infanti leve vomitorium v. g. syr. emet. Forest. 3j.

dilutum pauca quantitate ∇ . destillatæ alicujus, aut etiam cerevisiæ tenuioris calidæ, vel gr. i. Tartari Emet. aut unum cum dimidio, ut ita faburra cruda acescens è ventriculo maturius rejiciatur. Exhibeantur deinde alia remedia paroxysmi novi insultum inhibentia. Pulver. Marchion. \mathfrak{ss} . aut similis alius v. g.

\mathfrak{R} . C. C. \mathfrak{s} . Δ 3j.
 Cran. human. Philosoph. calcin. \mathfrak{ij} .
 Sem pæon.
 visc. quern. vel corylini. \mathfrak{aa} . 3 \mathfrak{ss} .
 Margarit. ppt.
 Corall. rubr. ppt. \mathfrak{aa} . \mathfrak{ij} .
 Smaragd. ppt. \mathfrak{ss} .
 Croc. orient. gr. v.

M. f. pulv. tenuiss. S. Pulver öffters davon zu geben.
 Dosis \mathfrak{ss} . aut etiam paullo plus minusve pro lubitu.

Potest etiam addi pulveribus Cinnab. nativa aut \mathfrak{g} ii rite ppta. ad gr. iij. 4. vel 5. vel etiam \ominus succin. aut C. C. volat.

Vehiculum sit ∇ usitata. v. g.

\mathfrak{R} . ∇ fl. pæon.
 tilia.
 ceras. nigr. \mathfrak{aa} . 3j \mathfrak{ss} .
 epilept. Lang. 3j.
 manus Chr. perlat. 3ij. vel q. s.

Pro grata edulcoratione. S.
 Krafftwasser zu dem Pulver / auch sonst davon zu gebrauchen.

Externa quoq; applicari possunt non quidem superstiosa, qualia sunt characteres, numismata, sed naturalia amuleta, inter quæ radix Pœoniæ maris ejusq; femina palmam obtinent, uti patet ex *Foresti obser. l. 10. obs. 59.* quarum veritatem etiam privatim suo calculo *Speſtatiss.*
 D N.

DN. DECANUS comprobavit; si remiserint paroxysmi, occasione commodâ alvi quoq; siccitas tempestive corrigi debet vel Lenitivo per os assumendo v. g. syr. de cichor. cum Rhabarb. Rosar. solut. simpl. Infus. Laxativo D. *Mannagettæ* in debita dosi, & per intervalla propinandis, vel crem. tartar. à gr. vj. ad ʒss. aut ultrâ in jusculo offerendo. Vel Clyster aliquis facile parabilis malvaceus ab ʒiij. ad ʒss. pro varietate ætatis injici potest, quales formulæ passim in *Materiæ Medicæ scriptoribus* prostant. Ceterum cum ab errore in victu & nimia *additione* infans in horrendum hunc inciderit affectum, è fonte *Dietetico* talis victus ratio infanti & matri, quandiu lactaverit, ordinanda, quæ nec quantitate excessiva, nec qualitate vitiosa præsertim aciditate peccante nocere possit, cum reliquarum rerum non naturalium debito regimine, quale etiam non solum præservationis, sed & curationis gratia probe inculcavit *Sylv. d. l. §. 66. seqq.* pluribus. Inprimis vero terrores omnes animiq; commotiones præcavere necesse est. Quibus ritè & ex præscripto observatis per Divinam benedictionem reconvalescentia perfecta erit speranda, & filiulus vitam in posterum vivet gravissimi hujus mali prorsus immunem.

§. VI. Non licet hic ob temporis brevitatem curam hujus *Notæ Generalis* morbi in aliis quoque tenellæ ætatis subjectis à diversis obortæ causis prolixius annectere. In Dentitione difficiliori aliquando ad Chirurgicam operationem, qua scalpello finditur gingivæ caro deveniendum esse suadet *Paræus Chirurg. l. 23. c. 67.* Alias inunctiones aut frictiones molliores cum ol. amygd. dulc. pomo affo molliori. & adhibentur. Num cerebrum leporinum & sanguis cristæ galli specifica polleant virtute Dentitionem dolorificam sedare determinare nolumus, Practicorum auctoritati reliquentes. Si vermes eorumq; cruda materia mali hujus fomitem præbuerit, illorum è corpore expulsio promovenda per amara minus calida, ne febris gravior excitetur. Enim vero

hæc curatio instituti nostri excedit limites. Inter remedia Antepileptica Chymici hodieq; magnis extollunt, laudibus variè iata & § ialia v. g. § diaphoret [Sulphur. Philosophor. alt. Cncæphel. Bezoard mineral. Tinctur. &c. & plura alia. Verum de horum effectu securo fides sit penes Auctores. Specifi-
corum quorundam vanitatem, qualia sunt radix pœoniæ maris sub puncto Æquinoctii verni solo auro effodienda, stercor-
certarum avicularum, Dentes linguæ piscis Aurata dicti adhæ-
rentes &c. cum privatim nobis aperuerit *Spektatiss. D. N. DECA-
NUS* in ejus judicio & nos lubentes acquiescimus. Nugæ sunt
etiam superstitiosæ, quando infans in salutato, quod fertur, ho-
spite, a susceptore vel promatre per conclave cum aliis gesticu-
lationibus portatur. *E Chirurgicis* præter frictiones & ligatura
setaceum & fonticulus in nucha aliquando salutariter adhiben-
tur. *Willisius* etiam sanguifugarum applicationem feliciter tem-
tasse scripsit *d. l. c. 4. Tb. Sydenham obs. de morb. acut. sect. 4. c. 5. i.*
dentitione graviore cum convulsionibus venæsectionem sum-
me necessariam, & valde tutam deprædicare non est veritus.
Enim vero licet nobis *Helmontii* judicium de talibus sanguinem
manifestè imminuentibus universaliter quidem conceptum ve-
ritati minime consonum, & experientiæ manifestè repugnans
at particulariter ad ætatem infantilem & puerilem restrictum
rationi & experientiæ probè consonum huc referre quando *tn*
de febrit. c. 7. in princ. ita scripsit: Talia cuncta concurrere in
cruoris, virium, & corporis diminutionem.

Sed receptui canendum est. Possent quidem hæc fu-
sius pertractari, si temporis concessisset angustia. Ast in
magnis voluisse sat est, & insufurrat aures nostras *Lyræ
Pindaricæ*:

Εν ἐκείνῳ μέτρον νοῆσαι κατὰς ἀρετῆς.

Nos, à quo incepimus, iterum finimus DEO Ter. Opt.
Max. grates persolventes devotissimas, quod hucusq; stu-
diis nostris benedixerit, Eundem supplicibus venerantes
precibus, ut & in posterum ad majorem Nominis su-
Gloriam, Proximi vero salutem, nostrumq; emolu-
mentum eadem clementissime dirigere velit,

F I A T!

ADDI.

ADDITAMENTA.

I.

Cardiaca interdum mortem accelerant.

II.

Crebra sanguinis missio homines febribus sæpè reddit aptiores.

III.

Pulsus inaequalis in febricantibus non tam certò, ut debilis, mortem portendit.

IV.

Morbi à Dæmone infligi quidem, sed à medicamentis naturalibus tolli certè non queunt.

V.

Impar pilularum purgantium numerus superstitiosus est.

VI.

Signaturæ herbarum, ad hunc vel illum affectum curandum, nulla est efficacia.

Nulla

Nulla caret morbis ætas , jam prima malorum

Infantes labes afficit, & cruciat.

Herculei morbi pueros vis abripit, hosq;

Ante diem campos mittit ad Elysios:

JÆGERSCHMIDT fatum tu triste moraberis
istud,

Herculeis nisus viribus ingenii!

*Nobiliss. & Clarissimo
DN. CANDIDATO,
cum voto prosperrimorum successuum
ἀντοχέδιασι f.*

Joh. Mauricius Hoffmann
Phil. & Med. D. Chem. atq; Anatom
Prof. Publ.

